

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Z E N I C A  
Broj: T04 0 KT 0062737 25  
Zenica, 27.02.2025. godine

**OPĆINSKI SUD U ZENICI**  
-Sudiji za prethodno saslušanje-  
**ZENICA**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, p o d i ž e m

**OPTUŽNICU**

Protiv:

**O. E.**, osuđivan,

**što je:**

dana 17.06.2021. godine, na području grada Z., prilikom pretresa kuće od strane policijskih službenika PU I Zenica koja se nalazi na adresi ..., na osnovu naredbe Općinskog suda Zenica broj: ... od 16.06.2021. godine, suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako je bio svjestan i znao da je držanje opojne droge radi dalje prodaje protivzakonito, a što je i htio, neovlašteno kod sebe radi dalje prodaje držao tri paketića svijetložute materije neto težina 0,634, 0,533 i 0,895 grama a za koje materije je vještačenjem utvrđeno da sadrže psihotropnu supstancu „amfetamin“, poznatiju kao opojna droga „speed“, a koja droga je pod rednim brojem 1. druge liste psihotropnih tvari iz tablice II „Tvari i biljke pod strogim nadzorom“ proglašena takvom, kao i jedan pvc omot sa sadržajem biljnog materijala neto težine 72,733 grama, pet alufolijskih paketića biljnog materijala neto težina 0,667, 0,604, 0,613, 0,671 i 0,612 i jedan alufolijski paketić biljnog materijala neto mase 0,635 grama, za koje materije je vještačenjem utvrđeno da sadrže psihoaktivnu komponentu cannabis (CBN) i tetrahidrokanabinol (THC), koja je pod rednim brojem 13. prve liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva i jednu crnu plastičnu digitalnu vagu oblika elipse dimenzija 10x7x2 cm sa tragovima bijelog praha i jednu srebrnu plastičnu digitalnu vagu sa plastičnim poklopcem oblika pravougaonika dimenzija 12x6,5x2 cm sa tragovima bijelog praha,

dakle, neovlašteno radi dalje prodaje kod sebe držao opojnu drogu,

čime je počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga stavljam,

**PRIJEDLOG**  
dokaza koje treba izvesti

Predlažemo sudu da na osnovu člana 239. stav 4. KZ F BiH od osumnjičenog O. E. oduzme opojnu drogu: „amfetamin“ neto masa 0,602, 0,509 i 0,836 grama i tetrahidrokanabinol (THC) neto masa: 72,711, 0,641, 0,585, 0,594, 0,651, 0,591 i 0,605 grama preostalu nakon ispitivanja, kao i jedna crna plastična digitalna vaga oblika elipse dimenzija 10 x 7 x 2 cm sa tragovima bijelog praha i jedna srebrna plastična digitalna vaga sa plastičnim poklopcem oblika pravougaonika dimenzija 12 x 6,5 x 2 cm sa tragovima bijelog praha.